

ხელშეკრულება №11/166
სახელმწიფო შესყიდვის შესახებ

2013 წლის 29 ნოემბერი

ქ. თბილისი

ერთის მხრივ, სსიპ – ილიას სახელმწიფო უნივერსიტეტი (მისამართი: ქ. თბილისი, ქ. ჩოლოყაშვილის გამზ. 3/5), წარმოდგენილი ადმინისტრაციის ხელმძღვანელის ზურაბ ჯავახიშვილის სახით (შემდგომში წოდებული „შემსყიდველად“) და მეორეს მხრივ შპს „ფლაგ არტი“ მისამართი: ქ. თბილისი, კალოუზნის ქ. №40), წარმოდგენილი მისი დირექტორის რომან დარჩიაშვილი სახით (შემდგომში წოდებული „მიმწოდებლად“), ვდებთ ხელშეკრულებას შემდეგზე:

1. ხელშეკრულების საგანი

1.1. მიმწოდებელი გაუწევს შემსყიდველს ამ ხელშეკრულების პუნქტი 1.2-ში მითითებულ მომსახურებას ხელშეკრულებით გათვალისწინებულ ვადებში, ხოლო შემსყიდველი იღებს აღნიშნულ მომსახურებას და ვალდებულია დროულად, ამხელშეკრულების პირობების შესაბამისად გადაიხადოს მისი საფასური.

1.2. მომსახურების გაწევა ხდება შემდეგი მიმართულებით: **CPV: 79800000 – ბეჭედა და მასთან დაკავშირებული მომსახურებები**

1.2.1. ილიას სახელმწიფო უნივერსიტეტისათვის შემდეგი პოლიგრაფიული მომსახურების გაწევა:

- დროშა (100 × 150 სმ) სადგამით - 3 ცალი (ერთ. ფასი 305 ლარი)
- დროშა (8×8 სმ. ზომის) - 1 ცალი (ერთ. ფასი 4 ლარი)
- დროშა (8×5 სმ. ზომის) - 1 ცალი (ერთ. ფასი 3 ლარი)
- დროშა (15×23 სმ. ზომის) სადგამით - 8 ცალი (ერთ. ფასი 16 ლარი)

2. ხელშეკრულების მოქმედების ვადები

2.1. ხელშეკრულება ძალაში შედის ხელმოწერის მომენტიდან და მოქმედებს 2013 წლის 30 დეკემბრის ჩათვლით.

3. მომსახურების გაწევის წესი და ადგილი

3.1. ხელშეკრულებით გათვალისწინებული ვალდებულების შესრულების ადგილია საქართველო, ქ. თბილისი.

3.2. მომსახურების გაწევა ხდება ერთიანად, ხელშეკრულების გაფორმებიდან არაუგვიანეს 2013 წლის 4 დეკემბრისა.

4. მხარეთა ვალდებულებები

4.1. მიმწოდებლის ვალდებულებები:

4.1.1. მიმწოდებელი ვალდებულია გაუწიოს შემსყიდველს ამ ხელშეკრულების 1.2. პუნქტში მითითებული მომსახურება.

4.1.2. მიმწოდებლის ვალდებულება მომსახურების გაწევაზე ითვლება შესრულებულად გაწეული მომსახურების შემსყიდველის მიერ ამ ხელშეკრულების 1.2. პუნქტთან შესაბამისობის შემოწმებისა და მიღება-ჩაბარების აქტის გაფორმების მომენტიდან. ხელშეკრულებით ნაკისრი ვალდებულების შესრულებასთან ერთად, მიმწოდებელი ვალდებულია გადასცეს შემსყიდველს ყველა შესაბამისი დოკუმენტი;

4.1.3. მიმწოდებელი ვალდებულია უზრუნველყოს შემსყიდველის ინფორმირება სკანირების ცალკეული ეტაპების მიმდინარეობის შესახებ.

4.1.4. თუ ხელშეკრულების 1.2. პუნქტით გათვალისწინებული მომსახურება არ აღმოჩნდება სრულყოფილი, მიმწოდებელი ვალდებულია, შემსყიდველის მოთხოვნისთანავე გამოასწოროს ეს ნაკლი.

4.2. შემსყიდველის ვალდებულებები:

4.2.1. შემსყიდველი ვალდებულია მომსახურების სრულყოფილად გაწევის შემდეგ გადაიხადოს მისი ფასი ამ ხელშეკრულებით გათვალისწინებული პირობებით;

4.2.2. მომსახურების გაწევის შემდეგ შემსყიდველი ვალდებულია შეამოწმოს მიმწოდებლის მიერ გაწეული მომსახურების შესაბამისობა ამ ხელშეკრულების 1.2. პუნქტით შეთანხმებულ მომსახურებასთან.

4.2.3. შემსყიდველი ვალდებულია აუნაზღაუროს მიმწოდებელს მიღებული მომსახურების ღირებულება ამ ხელშეკრულებით დადგენილი წესით.

5. ფასი და ანგარიშსწორების წესი

5.1. ხელშეკრულების ჯამური ღირებულებაა – 1050 (ათასორმოცდაათი) ლარი.

5.2. მომსახურების საფასურის გადახდა ხდება უნაღდო ანგარიშსწორების წესით, მხარეებს შორის მიღება-ჩაბარების აქტის შედგენიდან/გაფორმებიდან 10 (ათი) სამუშაო დღის განმავლობაში.

6. ხელშეკრულების ინსპექტირება

6.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

6.2. ამ მუხლის პირველი პუნქტით გათვალისწინებული კონტროლისა და ზედამხედველობის განხორციელება უნივერსიტეტის მხრიდან ევალუა უნივერსიტეტის დედამიწის შემსწავლელ მეცნიერებათა ინსტიტუტის ხელმძღვანელს თუა გოდოლაძეს.

7. შესყიდვის საგნის მიღება-ჩაბარების წესი

7.1. შესყიდვის საგანი ჩაითვლება მიღებულად მასშემდეგ, რაც შემსყიდველის მიერ უფლებამოსილი პირები ხელმოწერით დაადასტურებენ მის მიღებას.

7.2. მიღება-ჩაბარების/ურთიერთშედარების აქტზე ხელმოწერა, შემსყიდველის მხრიდან განესაზღვროს უნივერსიტეტის დედამიწის შემსწავლელ მეცნიერებათა ინსტიტუტის ხელმძღვანელს თუა გოდოლაძეს.

8. ხელშეკრულების შეწყვეტა

8.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება მომსახურების ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

8.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია მომსახურების სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) მიმწოდებლის მიმართ დაიწყო გაკოტრების საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

8.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

9. მხარეთა პასუხისმგებლობა

9.1. ხელშეკრულებით გათვალისწინებული ვალდებულებების შეუსრულებლობის ან არა ჯეროვანი შესრულებისათვის მხარეებს დაეკისრება პირგასამტეხლოს გადახდა.

9.2. ხელშეკრულებით გათვალისწინებული ვალდებულების შესრულების ვადის გადაცილების შემთხვევაში მხარეებს ეკისრება შეუსრულებელი ვალდებულების 0,1%-ის გადახდა ყოველ გადაგადაცილებულ დღეზე.

9.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

10. ფორს-მაჟორი

10.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუ კი, შეუსრულებლობა გამოწვეულია ფორს-მაჟორული გარემოებებით.

10.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

10.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

11. ხელშეკრულების პირობების გადასინჯვის წესი

11.1. ხელშეკრულების პირობების, მათ შორის, ფასების გადასინჯვა შესაძლებელია იმ შემთხვევაში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ

ამკარად შეიცვალა და მხარეები არ დადებდნენ ამ ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ.

11.2. ამ ხელშეკრულების 11.1. პუნქტით განსაზღვრულ შემთხვევაში შეძლება მოთხოვნილ იქნეს ხელშეკრულების მისადაგება შეცვლილი გარემოებებისადმი.

11.3. გარემოებათა შეცვლას უთანაბრდება, როცა წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.

11.4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას ან შემსყიდველისათვის ხელშეკრულების პირობების გაუარესებას, გარდა ამ ხელშეკრულების 11.1., 11.2. და 11.3. პუნქტებით განსაზღვრული შემთხვევებისა.

12. ხელშეკრულებაში ცვლილებებისა და დამატებების შეტანის წესი

12.1. ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით.

12.2. ხელშეკრულების პირობების ნებისმიერი ცვლილება და დამატება უნდა გაფორმდეს ახალი ხელშეკრულების სახით მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

13. ხელშეკრულების შესრულების შეფერხება

13.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

13.2. იმ შემთხვევაში თუ, ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

14. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

15. დასკვნითი დებულებები

ხელშეკრულება შედგენილია სამი თანაბარი იურიდიული ძალის მქონე ეგზემპლარად (ორი რჩება შემსყიდველს, ერთი – მიმწოდებელს).

მხარეთარეკვიზიტები:

შემსყიდველი

სსიპ ილიას სახელმწიფო უნივერსიტეტი
მის.: ქ. თბილისი, ქ. ჩოლოყაშვილის გამზ. 3/5
ს/ვ: 204861970
სახელმწიფო ხაზინა

მიმწოდებელი:

შპს „ფლაგ არტი“
საიდენტიფიკაციო კოდი - 206160018
ქ. თბილისი, კალოუზნის ქ. №40
სს საქართველოს ბანკი”
ბანკის კოდი: BAGAGE22
ანგარიშის №: GE72BG000000894356101



რომან დარჩიაშვილი
დირექტორი



Handwritten signature in blue ink at the bottom left of the page.